

第 二 版

中華
高等小學
歷史教授書

第三冊

中華
高等小學歷史教授書 第三冊

第一章 總論

第一課 歷代興亡概略

目的 授興亡之概略。使有統系之觀念。

教材 一太古至黃帝。由部落而國家 二三代至秦。由封建而郡縣 三漢至西晉。中央集權時代 四東

晉至南北朝。分裂時代 五隋唐。華種興盛時代 六五代至元。華種衰息時代 七元至今。世界交通時代

教法

預備 一問第一年所授。由太古起。至何朝而止乎。 二問第二年所授。由何朝始

乎。 三問汝讀歷史。已一周矣。有何觀念乎。 四告以今日所講。乃將前日所讀

爲汝等造一簡明之目錄也。

教授 一書課題於黑板。告以概者包括之辭。略者簡要之謂也。 二講第一段。告

以讀歷史者。須有一最要之觀念。卽人類之進化是也。一部數千年之歷史。不過人類進化之陳列所而已。顧人種有智愚。斯進化有遲速。而國家遂分強弱。此又歷史上治亂興亡之原因也。卽如吾國之由部落而國家。至黃帝而更盛。此進化之顯而易見者也。三講第二段。告以既成國家。則君主之權力漸偉。故堯舜之時。尙爲禪讓。及乎三代。遂成世襲。至秦而竟成一統。此亦進化之明證也。四講案之後爲漢。至統一中國六句。告以既成一統。斯生專制。專制者。國家之權力。集於君主一人之謂也。權力既集於君主一人。脫君主不才。權力爲他人所盜。則國家必生擾亂。兩漢之外戚宦官。其後爲新莽。爲三國。西晉之賈后亂政。其後爲八王之禍。是也。五講末幾五胡亂華至南北始合十二句。告以此以前爲吾族進化之現象。然人類固不止一族。而各自進化者也。各自進化。故各自擴其勢力範圍。五相接觸。斯生衝突。衝突不已。而生分裂。迨其後則優劣判而存亡定矣。如五胡南北朝之時。乃華種與他種衝突之現象也。至隋而合併南北。則華族仍占優

勝矣。六講唐滅隋一句。告以此爲一種戰勝他種之結果也。是爲華種全盛時代。七講其後爲五代至元。又滅金而併宋十句。告以華種由極盛而至極衰。於進化爲反比例。此中有一原理。爲讀史所不可不知者。蓋歷史之進化。非直線之進行。而曲折之進行也。此曲折之進化。無論何事。苟細心觀察。無不有此現象。然並非適然成此現象。其中又各自有其因果焉。如唐以武功定天下。故尊重軍人。又以幅員過大。分中央之權力。寄之方鎮。以此原因。而生方鎮跋扈之結果。由跋扈而分裂。由分裂而外族乘之。是爲五季。蓋此時代。華族與他族之進化。適行及曲折之中也。及趙宋興。而遼金西夏蒙古。先後角立。相持不下者多時。譬如兩虎相搏。各蓄勢以待進取。宋矯五代之弊。重文輕武。兵備廢弛。於是他族驟盛。華族驟衰。而元遂入主中夏焉。八講明滅元至畢。告以自元以來。又有一進化之現象焉。則由國家的而進於世界的是也。明之滅元也。華種占勝勢。既而清又代明。華種歸其統轄。由是中國旁近諸種族。前此屢起競爭者。至此實已并爲一家。特

其主權。則不在華族而已。適以科學進步。世界大通。歐人遂大擴其勢力於太平洋沿岸。清室外交。屬次失敗。華族羣起革命。功成之後。初不自私政權。而公之五大族。則華族之對於國家。蓋亦可告無罪云爾。

應用 一問吾國上古之時。是何現象。二問三代至秦。有進步否。三問自東晉至隋。華人之勢力何如。四問中國數千年之政體若何。

第二章 上古期

第二課 太古開化

目的 復習第一年第二課至第四課。使知國家成立。爲進化之初步。

教材 一傳疑時代。二部落時代。三國家成立時代。

教法

預備 一問部落與國家之分別。二問封建與郡縣之優劣。三問統一與分裂之原因。四告以今日所講。卽進化之初步也。

教授

一書課題於黑板。

二講起三句。說明次句之字義。言事屬傳聞。無可攷證。

也。

三講盤古之後有三皇四句。告以人之知識少則迷信多。故上古之時。所傳

皆神怪之事。如三皇之各萬數千年。亦其一也。然其時尚無文字。則亦傳聞而已。

四講三皇之後有五帝二句。告以五帝時始有文字。故其事蹟可得而言焉。

五講太古生民三句。告以原人之狀態。蓋與他動物無異也。六講有巢氏二句。

二人皆部落之長。由穴居而巢。由生食而火。此爲用人工以助生活之始也。七

講伏羲太昊氏作至以和萬民一段。告以此爲五帝之首。中國之文化。由此而開。

其最重要之事。則爲造書契。至定嫁娶。作琴瑟。又禮樂之原也。八講伏羲氏殁

至文化漸進一段。養生救死之術漸備。交易之事日多。文化又進一步。九講黃

帝軒轅氏出至畢。以上皆言文化之日進。然更有一事焉。爲進化之原。則競爭是

也。其初與禽獸爭。其繼人與人爭。人相爭斯有羣。有羣而後有部落。至黃帝時。競

爭之器日多。而範圍亦愈大。於是克楡罔。禽蜚尤。威望大著。儼然爲諸部之首領。

而國家成焉。自有人類以來。進化復進化。至此可謂之爲一小結束云。

應用 一問中國相傳之第一御世者是五人。二問何謂三皇五帝。三問何時始有書契。四問何時始成國家。

參攷 一相傳天地初分之時。盤古氏生於其中。能知天地之高低。及造化之理。故曰盤古氏首出御世。又曰渾敦氏。二天皇氏一姓十三人。繼盤古氏以治。澹泊無爲。而俗自化。兄弟各一萬八千歲。三天皇氏一姓十一人。繼天皇氏以治。爰定三辰。是分晝夜。以三十日爲一月。兄弟各一萬八千歲。四天皇氏一姓九人。繼地皇氏以治。相厥山川。分爲九區。人居一方。故又曰居方氏。亦號九皇氏。兄弟合四萬五千六百年。餘見第一年第二至第四課。

第三課 堯舜

目的 復習第一年第五課。於唐虞之治功。益加詳焉。

教材 一堯舜以前之君統。二堯之治功。三堯之禪舜。四舜之攝政。五舜之

教法

治功。六舜之禪禹。七唐虞之太平。

預備 一問伏羲有何創造。二問神農氏之功業。三問黃帝是酋長否。四告以今日所講。卽五帝中之堯舜是也。

教授 一書課題於黑板。二講首一段。告以少昊顓頊帝嚳。皆黃帝子孫。皆有功德於人民。及摯無道。諸侯遂廢之而立堯。可見當時諸侯之勢力甚大。天子之位。必待其公舉也。三講帝堯陶唐氏四句。此總言堯之君德。仁謂其德。智謂其才也。四講茅茨土階二句。黃帝時已改良建築之術。則當時宮室制度。已不至十分簡陋。而堯乃如此。言不敢以天下自養也。五講命羲氏和氏二句。告以陰歷。至法。至此而備。六講置諫鼓三句。告以以此徵求人民之公意。聖人之不以君權自私也。七講在位七十年至卒以禪舜七句。舜雖與堯爲同姓。而其屬疏矣。乃由匹夫而禪以皇位。此聖人以國家爲重。而不私其君位也。八講帝舜有虞

氏至以孝聞八句。告以父母慈而子孝。不足爲奇。父母不慈而子孝。乃爲大孝。此舜被舉之原因。九講四岳薦之於堯。至遂告成功十一句。四岳爲主。四方諸侯之官。堯不訪問他人而訪四岳者。因當時君位承襲。必得諸侯之同意也。書曰。賓於四門。四門穆穆。亦言四方諸侯皆允洽也。十講舜既卽帝位。至崩於蒼梧之野一段。告以此皆爲舜之功業。其禪禹之意。亦與堯同。十一講末段。書揖讓之世於黑板。

應用 一問黃帝至堯。其間更有幾帝。二問堯是何人之子。三問堯何由知舜之賢。四問何謂揖讓之世。

參攷 一少昊姓己氏。黃帝之子。以金德王。故曰金天氏。國於青陽。徙於曲阜。有鳳鳥之瑞。故以鳥紀官。又作大淵之樂。以諧人神。在位八十年而崩。二顓頊姓姬氏。黃帝子昌意之子。以水德紹金天氏。初國高陽。故曰高陽氏。都於帝丘。在位七十八年而崩。三帝嚳姓姬氏。少昊之孫。父曰蟠極。帝生而神靈。年十五。佐顓頊受

對於辛年三十。以木德紹高陽氏爲天子。故曰高辛氏。都於亳。在位七十年而崩。
四摯在位九年。荒淫無度。不修善政。諸侯廢之。而推堯爲天子。五尙書曰。乃
命羲和。欽若昊天。歷象日月星辰。敬授人時。又曰。以閏月定四時成歲。六帝堯
二載。置敢諫之鼓。立誹謗之木。使天下得攻其過。七舜命禹宅百揆。棄爲后稷。
播百穀。契爲司徒。敷五教。皋陶作士。明五刑。益作虞。治山澤。八帝舜三十六載。
有苗弗率。帝命禹徂征。三旬。苗民逆命。益贊於禹。班師振旅。帝乃誕敷文德。七旬。
有苗格。餘見第一年第五課。

第四課 夏之興亡

目的 授有夏一代事略。使知夏之所以興亡。

教材 一定傳子之局。二討有扈之君。三羿浞之變。四少康中興。五夏室之
亡。

教法

預備 一問何人定閏月之法。二問丹朱是何人。三問舜都何處。四告以舜既禪禹。國號曰夏。今日所講。乃禹以後一代之大略也。

教授 一書課題於黑板。二講起句至遂定後世傳子之局一段。說明安邑塗山之位置。防風氏。卽春秋時之長狄。爲魯所滅。其種遂絕。家語載防風氏之骨專車。其長大可知。禹戮之者。以其後至也。自堯至禹。皆以聖人而居天子之位。有大功德於民。天下服其德而畏其成。天子之權力遂益固。而傳子之局。亦自此而定也。

三講帝啓之世五句。告以啓會諸侯於鈞臺。有扈不至。故討而滅之。四講帝啓之子太康至又殺羿弑相而自立一段。告以傳子之局定。而篡弑之事起。此亦事理之相因而生者也。蓋國家者公共之物。若一姓據爲私有。斯天下從此多事矣。並說明其事迹。五講時帝相之后方娠至是爲中興之始一段。太康以逸豫而失國。少康以奮發而中興。逸豫則以天下之大而亡。奮發則以一成旅而興。可見興亡之全係於人事也。六講末段。君位固而君權盛。君權盛而暴主生。暴

主生而革命起。桀遂以暴虐而失其君位焉。

應用 一問禹何故戮防風氏。二問啓何故征有扈氏。三問太康何故失國。

四問少康何以能中興。五問湯何故伐桀。

樂歌

一后起三歲。大享諸侯於鈞臺。有扈氏不服。王召六卿而誓曰。有扈氏威侮五行。怠棄三正。天用勦絕其命。今予惟恭行天之罰。大戰於甘。遂滅有扈。二啓在位九年而崩。子太康立。以逸豫滅厥德。夏政始衰。十有九歲。王畋於洛表。十旬弗返。有窮后羿。因民弗忍。距於河。王不得入國。築陽夏之城而居焉。失政十年而崩於陽夏。羿立其弟仲康。仲康卽位之始。卽命胤侯掌六師。以収兵權。旋命胤侯征羲和。以正失職之罪。故羿未能逞志。王在位十三年而崩。子相立。爲羿所逼。徙都商丘。依斟灌斟尋氏。羿遂自鉏遷於窮石。因夏民以代夏政。恃其善射。不修民事。而淫於原獸。用伯明氏之讒。子寒浞爲相。浞行媚于內。施賂於外。愚弄其民。而虞羿於田。內外咸服。羿猶不悛。將歸自田。家衆逢蒙殺而烹之。時后相之八歲也。越

二十年。寒浞使其子澆。用師滅斟灌。斟尋氏。遂弑相於帝邱。三時后緡方娠。逃出自竇。歸於有仍。夏遺臣靡奔於有鬲。明年。后生少康於有仍。迨長。爲仍牧正。澆使其臣椒求之。逃奔有虞。虞思於是妻之以二姚。而邑諸綸。有田一成。有衆一旅。能布其德。而兆其謀。以取夏衆。撫其官職。遂滅寒浞。復禹之績。祀夏配天。不失舊物。四相年四十而復國。在位二十二年而崩。子杼卽位。杼佐少康定寒氏之亂。及卽位。嘗征東海。伐三囂。能帥禹之道。故夏后氏報焉。五孔甲。夏后不降之子。好事鬼神。肆行淫亂。夏政日衰。餘見第一年。

第五課 商之興亡

目的 授商代事略。使知商之所以興亡。

教材 一成湯之革命。二伊尹攝政及太甲悔過。三太戊及祖乙之復興。四盤

庚遷都而改國號。五武丁之興。六武乙遷都。七紂之亡國。

教法

預備 一問禹都於何處。二問太康何故被逐於桀。三問孔甲是何如主。四告以湯既放桀。國號曰商。今日所講。乃湯以後一代之興亡也。

敷授 一書課題於黑板。二講起句至亦爲以征伐得天下之始一段。告以革命非美事也。聖人不得已而行之。湯之放桀。非貪天下也。爲匹夫匹婦復仇也。則亦人道主義而已。三講湯之孫太甲至諸侯悅服一段。告以當時天下初定。故伊尹放太甲於桐。而以身任天下之重。惟其至公無私。故天下不疑之也。四講其後綱紀漸紊。至商道三興一段。告以太戊祖乙。皆以能用賢人而興。故賢才爲國家之寶也。五講未幾國勢又不振。至商道五興一段。告以商之賢君最多。孟子所謂賢聖之君六七作也。六講末段。告以商屢遷都。皆因黃河爲患也。紂之暴更甚於桀。於是武王再革命而商亡矣。

應用 一問湯爲何人之後。二問伊尹何爲而放太甲。三問太戊用何人而興。四問盤庚遷都于何處。五問武王與紂戰于何處。

參攷

一成湯立十八祀而卽天子位。三十祀而崩。太子太丁早卒。太丁子太甲嗣立。伊尹乃明言烈祖之成德。以訓于王。王習與性成。欲敗度。縱敗禮。罔念伊尹之戒。伊尹乃營桐宮使居之。曰。密邇先王其訓。無俾世迷。王徂桐宮居憂。克終九德。三祀。伊尹奉王歸亳。復政于王。王益修厥德。請侯咸服。百姓以寧。二太甲後。傳三王而至雍己。不能綱紀庶政。諸侯或不朝。商道始衰。三太戊。太康之子。以伊陟臣扈爲相。巫咸佐之。陟尹之子也。王修先王之政。明養老之禮。早朝晏退。問疾弔喪。三年。遠方慕義。重譯而至者。七十六國。四祖乙。河亶甲之子。以巫賢爲相。諸侯賓服。天下大和。賢咸之子也。五商自仲丁以來。廢適而更立諸弟子。或爭相代立。比九世亂。至王陽甲。諸侯莫朝。六盤庚。陽甲之弟。時都何北已久。宮室奢侈。民居墊隘。水泉瀉滯。不可以行政化。王乃遷都於殷。改國號曰殷。遵湯之德。行湯之政。商道復興。諸侯來朝。七武丁。小乙之子。王舊學於甘盤。卽位。乃以爲相。三祀。得傳說爲相。三十二祀。王伐鬼方。三年克之。自是內外無患。殷道復興。鬼方

西戎之國也。八武乙。庚丁之子。遷都朝歌。王無道。爲偶人。謂之天神。與之博。使人爲之行。天神不勝。乃僂辱之。爲革囊盛血。仰而射之。命曰射天。獵於河渭之間。爲暴雷震死。餘見第一年。

第六課 西周之興

目的 授西周事略。使知周室之所以由盛而衰。

教材

一 文武之創業。二 成康之太平。三 周室之漸衰。昭王南征而不復。夷王下堂見諸侯。四 厲

宣之治亂。

厲王被逐。宣王中興。

五 周室之戎禍。

幽王被弑。平王東遷。

教法

預備 一 問商道凡幾興。二 問祖乙用何人爲相。三 問武丁伐何國。四 告以

紂亡而周興。今日所講。卽周之所以興。與其所以由盛而衰之事也。

教授 一 書課題於黑板。二 講起句至又封箕子於朝鮮一段。告以周自后稷以來。積德累仁。至文王而三分有二。王業成矣。至武王既革殷命。大行封建。蓋一以